



Գլենդեյլի հանրային կարգադրություն թիվ 2020-10

Գլենդեյլի Արտակարգ իրավիճակների ծառայության լիազորության ներքո

Հրապարակման ամսաթիվը՝ 16 հունիսի, 2020 թ.

Բացօթյա ճաշելու համար թույլտվության վճարներից ազատում

Հաշվի առնելով, որ 2020 թ. մարտի 16-ին Գլենդեյլ քաղաքի քաղաքային խորհուրդը, համաձայն Գլենդեյլի Քաղաքային օրենսգրքի 2.84 գլխի, հայտարարեց տեղական արտակարգ դրություն: Դրա անհրաժեշտությունն առաջացել էր Կորոնավիրուս 2019 (COVID-19) հիվանդության նկատմամբ աճող մտահոգությունից՝ նոր տիպի կորոնավիրուսով պայմանավորված ծանր սուր շնչառական հիվանդության պատճառով: Վիրուսի ախտանիշների թվում են՝ ջերմությունը, հազը և դժվար շնչառությունը, իսկ վարակված անձանց շրջանում տարբեր արդյունքներ են գրանցվել՝ թեթև հիվանդությունից մինչև ծանր հիվանդություն և մահ: Հաստատված դեպքերի քանակը կարճ ժամանակահատվածում շարունակել է կտրուկ աճել: Հիվանդությունների Վերահսկման և Կանխարգելման Կենտրոնը (CDC) տեղեկացնում է, որ COVID-19-ը հեշտությամբ տարածվում է մարդուց մարդ, և մշակել է ուղեցույցներ՝ առաջարկելով, որ հասարակությունն ընդունի այնպիսի քաղաքականություն և սահմանված կարգեր, որ հնարավոր լինի պահպանել սոցիալական հեռավորություն: Բացի այդ, 2020 թ. մարտի 16-ին քաղաքային խորհուրդը կարգադրեց նաև փակել և մուտքի սահմանափակումներ կիրառել որոշ հասարակական հաստատությունների վրա;

Հաշվի առնելով, որ Գլենդեյլի քաղաքապետարանը վերստին կրկնապատկել է իր ջանքերը՝ ձեռքերի հիգիենայի, շնչառական կանոնների և սոցիալական հեռավորության պահպանման ուղղությամբ: Չափազանց կարևոր է, որ մենք՝ որպես քաղաք, անենք հնարավոր ամեն ինչ՝ դանդաղեցնելու հիվանդության տարածման տեմպերը համայնքներում և խուսափելու մեր բժշկական համակարգի անհարկի ծանրաբեռնվածությունից: Մեր ջանքերին նպաստելու նպատակով՝ արտակարգ դրության պայմաններում Արտակարգ իրավիճակների ծառայության տնօրենի լիազորության ներքո, Գլենդեյլի Քաղաքային օրենսգրքի 2.84 գլխի համաձայն, այդպիսի արտակարգ իրավիճակների հետևանքով կյանքի և սեփականության պաշտպանության հետ կապված հարցերի շուրջ կանոնակարգեր և կարգադրություններ կազմելու և արձակելու նպատակով կարգադրվում է մի շարք ժամանակավոր սահմանափակումներ կիրառել Գլենդեյլ քաղաքի որոշ հաստատությունների վրա, որտեղ սովորաբար մեծ թվով մարդիկ են հավաքվում և միմյանց հետ սերտ հարևանությամբ են գտնվում;

Հաշվի առնելով, որ 2020 թ. մարտի 4-ին Լոս Անջելեսի վարչաշրջանի վերակացուների խորհուրդը և Հանրային առողջության վարչությունը հայտարարեցին տեղական և հանրային առողջության արտակարգ իրավիճակ՝ ի պատասխան երկրում կորոնավիրուսի տարածման աճին, և Գլենդեյլի քաղաքային խորհուրդը ընդունեց թիվ 20-29 Որոշումը, որը համապատասխանում է Նահանգապետի «Տանն ավելի ապահով

է» հրամաններին, որով դադարեցին ռեստորաններում ճաշելու բոլոր ծառայությունները, բացառությամբ՝ առաքման և պատվերը հաճախորդների հետ տանելու ծառայությունների,

Հաշվի առնելով, որ ռեստորանների, բարերի, գիշերային ակումբների և այլնի վերաբերյալ 2020 թվականի մայիսի 15-ի Գլենդելի թիվ 20-29 Որոշման գործողության ժամկետը սպառվել է, և նշված բիզնեսները և գործունեության տեսակները շարունակվում են կարգավորվել Վարչաշրջանի «Տանն ավելի անվտանգ է» հրամանով,

Հաշվի առնելով, որ 2020 թ. մայիսի 26-ին կամ մոտ այդ օրերին «Տանն ավելի անվտանգ է» հրամանը վերանայվել է՝ ապահովելու ռեստորանների մասնակի վերաբացումը՝ ներսում ճաշելու ծառայությունների և մանրածախ խանութների համար ներսում գնումներ կատարելու համար՝ պայմանով, որ դրանք բավարարեն վարչաշրջանի որոշ արարողակարգեր;

Հաշվի առնելով, որ Գլենդելի քաղաքապետարանը քայլեր է ձեռնարկում տեղական տնտեսությանը ուղղակի օժանդակություն առաջարկելու համար՝ ի պատասխան COVID-19-ի ներկայացրած տնտեսական ազդեցությունների՝ ձևավորելով «Բիզնեսի վերականգնման աշխատանքային խումբ» և հանդիպելով ավելի քան 40 շահագրգիռ կողմերի հետ, որոնք ներկայացնում են Գլենդելում արդյունաբերության կարևոր բնագավառներ, ներառյալ՝ մանրածախ, հյուրընկալության, գրասենյակային և առողջապահության ոլորտները;

Հաշվի առնելով, որ աշխատանքային խմբի անդամները տեղական բիզնեսին աջակցելու եղանակները հաշվի առնելիս առաջարկությունների թվում ներառեցին «Ալ Ֆրեսկո» ծրագրի իրականացումը՝ ըստ որի բացվում են մասնավոր կայանատեղիները, փողոցային կայանատեղիները և մայթերը՝ լրացուցիչ բացօթյա ճաշելու տեղերով, և ապագա հնարավոր մանրածախ գործունեության համար («Ալ Ֆրեսկոյի» ծրագիր); և

Հաշվի առնելով, որ «Ալ Ֆրեսկո» ծրագրի իրականացումը ձեռնտու կլինի քաղաքի բիզնեսներին և բնակիչներին՝ օժանդակելով ռեստորաններին ընդլայնել բացօթյա ճաշելու տեղերը՝ տնտեսական վերականգնումն արագացնելու նպատակով, մինչդեռ Վարչաշրջանն աստիճանաբար իրականացնում է իր «Աշխատավայրերում և համայնքում անվտանգ վերաբացման» հրամանները;

Հետևաբար՝ այժմ Գլենդելի քաղաքային օրենսգրքի 2.84-րդ գլխի համաձայն տրված լիազորության հիման վրա՝ Արտակարգ իրավիճակների ծառայության տնօրենը հրապարակում է հետևյալ հրամանը, որն անմիջապես ուժի մեջ է մտնում և գործում է մինչև 2020թ. օգոստոսի 31-ը.

Բաժին 1. Ռեստորանային այն բիզնեսների համար, որոնք փոփոխում են բիզնեսի գործառնությունները՝ ի պատասխան COVID-19-ի տնտեսական վերականգնման ջանքերի, և պահանջում են ժամանակավոր զբաղեցման վկայականի թույլտվություն՝ ստորև նշված գործողությունների համար այդ փոփոխությունները կատարելու համար, ազատվում են ստորև նշված թույլտվության վճարներից.

- **Զբաղեցման թույլտվության ժամանակավոր վկայական.**
անհրաժեշտ է բացօթյա ճաշելու նպատակով մասնավոր ավտոկայանատեղերի օգտագործման դիմումների համար:
Նվազագույն վճարը \$166 է՝ մեկ ժամվա համար: Սովորաբար

զանձվում է 3-ից 4 ժամվա համար: Վճարից ազատվում են այն ռեստորանները, որոնք դիմում են ազատման համար՝ COVID-19-ի պատճառով տուժելու հետևանքով: Այլ դիմորդները, որոնք դիմում են դրսում ճաշելուց բացի այլ գործունեության ժամանակավոր վկայականի համար, ենթակա են կիրառվող վճարին:

- Սույն հրամանով տրված թույլտվությունների գործողության ժամկետն ինքնաբերաբար լրանում է 2020 թվականի դեկտեմբերի 31-ին:
- **Թույլտվություն, որն անհրաժեշտ է մայթեզերի հատվածում սնվելու և մայթեզի ավելացված հատվածի համար (փողոցում առկա կայանետեղի համար):** Վճարը \$233 է՝ գումարած տարեկան լիցենզիայի վճարը՝ \$ 2.23՝ մեկ քառակուսի ֆուտի համար:
- Վճարը չեղարկվում է այն ռեստորանների համար, որոնք դիմում են ազատման համար՝ COVID-19-ի պատճառով տեղի ունեցած ազդեցությունների արդյունքում:
- Սույն հրամանով տրված թույլտվությունների գործողության ժամկետն ինքնաբերաբար լրանում է 2020 թվականի դեկտեմբերի 31-ին:



Ամսաթիվ՝ June 16, 2020
Ժամը՝ 1:05 pm

Ում կողմից՝ _____ (Ստորագրություն)
Յասմին Բ. Բիրս
Արտակարգ իրավիճակների տնօրեն

Ընդունված է որպես ձև
ՄԱՅՔԼ Ջ. ԳԱՐՄԻԱ՝ ՔԱՂԱՔԻ ԴԱՏԱԽԱՉ

Ում կողմից՝ _____ (Ստորագրություն)
Պաշտոնը՝ Քաղաքի դատախազ
Ամսաթիվ՝ 6/16/2020